



Broj: 05/2-50-13-28-52/13  
Sarajevo 12.07.2013. godine

## ZAPISNIK

### 52. sjednice Odbora za žalbe građana Parlamentarne skupštine Bosne i Hercegovine, održane 10.07.2013. godine

Pedesetdrugu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik Odbora.

Sjednici Odbora, u svojstvu članova, prisustvovali su: Hamida Karčić, Borislav Radić, Danica Beriće, Ermin Pešto i Marijan Milićević, te Aida Kreho – sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali Rasim Ređo i Ivan Mišetiće iz Granične policije BiH, te Zoran Brkić i Jovica Katić iz Sektora za odnose s javnošću Parlamentarne skupštine BiH.

Sjednica je počela u 11 sati.

Nakon što je konstatirano da postoji kvorum, predložen je sljedeći dnevni red

## DNEVNI RED

1. Usvajanje zapisnika 51. sjednice Odbora za žalbe građana;
2. Razmatranje predstavki dostavljenih od Granične policije BiH, izvjestioci:
  - a) Mate Miletić (*broj žalbe: 17-06-34-7-774/13*);
  - b) Amela Bašić (*broj žalbe: 17-06-34-7-1004/13*);
  - c) Borislav Radić (*broj žalbe: 17-06-34-7-752/13*);
  - d) Danica Beriće (*broj žalbe: 17-06-34-7-1626/13*);
  - e) Marijan Milićević (*broj žalbe: 17-06-34-7-1232/13; broj žalbe: 17-06-34-7-1486/13*);
  - f) Hamida Karčić (*broj žalbe: 17-06-34-7-1580/13*);
3. Tekuća pitanja

Dnevni red je jednoglasno usvojen.

### Ad.1. Usvajanje zapisnika 51. sjednice Odbora za žalbe građana

Na prijedlog zapisnika sa 51. sjednice Odbora za žalbe građana članovi Odbora nisu imali primjedbi, te je zapisnik jednoglasno usvojen.

### Ad.2. Razmatranje predstavki dostavljenih od Granične policije BiH, izvjestioci:

- a) Mate Miletić (*broj žalbe: 17-06-34-7-774/13*);
- b) Amela Bašić (*broj žalbe: 17-06-34-7-1004/13*);
- c) Borislav Radić (*broj žalbe: 17-06-34-7-752/13*);
- d) Danica Beriće (*broj žalbe: 17-06-34-7-1626/13*);

**e) Marijan Milićević (broj žalbe: 17-06-34-7-1232/13; broj žalbe: 17-06-34-7-1486/13);**

**f) Hamida Karčić (broj žalbe: 17-06-34-7-1580/13).**

*Mate Miletić* određen je, kao izvjestilac, za žalbu broj: 17-06-34-7-774/13. Nakon što su razmotreni svi detalji predstavke i zaključeno da policijski službenici prilikom vršenja svojih dužnosti nisu prekršili ovlaštenja, članovi Odbora jednoglasno su prihvatili Izvještaj Granične policije BiH, po kojem je žalba ocijenjena kao neosnovana.

*Amela Bašić* je, kao izvjestilac, prezentirala sadržaj predstavke broj: 17-06-34-7-1004/13. Po davanju kratkog opisa događaja navedenog u Žalbi, izvjestilac je prezentirao i sadržaj Izvještaja Granične policije, te svih poduzetih radnji u postupku provođenja istrage. Zaključeno je da je neophodno raditi na dodatnoj edukaciji policijskih službenika u cilju smanjenja mogućnosti ponavljanja ovakvih žalbi, te su zatim članovi Odbora jednoglasno prihvatili Izvještaj nadležne policijske agencije, po kojem je žalba neosnovana.

*Borislav Radić* je određen za izvjestioca za žalbu broj: 17-06-34-7-752/13. Nakon što je izvjestilac predstavio sadržaj žalbe i izvještaja po žalbi, članovi Odbora su pristupili diskusiji i postavili dodatna pitanja nadležnom predstavniku Granične policije BiH. Nakon rasprave, u kojoj je zaključeno da je predstavka obrađena detaljno i pedantno, članovi Odbora prihvatili su Izvještaj Granične policije BiH, po kojem je žalba ocijenjena kao osnovana.

*Danica Berić* upoznala je članove Odbora sa sadržajem predstavke broj: 17-06-34-7-1626/13, za koju je određena kao izvjestilac. Nakon prezentiranja sadržaja žalbe, te nakon što je predstavnik nadležne policijske agencije dao kratka pojašnjenja u vezi sa slučajem, članovi Odbora jednoglasno su prihvatili Izvještaj Granične policije u kojem je žalba ocijenjena kao neosnovana.

*Marijan Milićević* je određen za izvjestioca po dvije žalbe.

Prva od njih je žalba broj: 17-06-34-7-1232/13. Nakon prezentiranja sadržaja žalbe i Izvještaja Granične policije BiH, u kojem se navodi da je žalba neosnovana, članovi Odbora jednoglasno su ga prihvatili, uz zaključak da je predstavka obrađena detaljno, te da su poduzete sve mjere u skladu sa zakonom.

Također, obzirom da je u svojstvu izvjestioca zadužen i za žalbu broj: 17-06-34-7-1486/13, g. Milićević je prezentirao i njen sadržaj, te sadržaj Izvještaja Granične policije BiH, po kojem je žalba ocijenjena kao osnovana. Članovi Odbora zatražili su od Granične policije BiH da izvrši i dodatna pojašnjenja samog događaja navedenog u žalbi kao i izvršenih radnji prilikom provjere navoda iz žalbe. Nakon što je predstavnik nadležne agencije odgovorio na sva postavljena pitanja, članovi Odbora su sa 5 glasova „za“ i 2 „suzdržana“ glasa prihvatili Izvještaj Granične policije BiH po predmetnoj žalbi.

*Hamida Karčić*, određena kao izvjestilac za predstavku broj: 17-06-34-7-1580/13.

Nakon prezentiranja sadržaja predstavke, riječ je uzeo predstavnik nadležne policijske agencije, koji je naglasio da se u konkretnom slučaju ne radi o žalbi, nego o dobronamjernoj

primjedbi građanina. Još jednom je ponovljeno da na pojedinim graničnim prijelazima između Bosne i Hercegovine i susjednih zemalja ne postoje adekvatni uslovi rada policijskih službenika, te je ponovljeno kako se mora raditi na poboljšanju infrastrukture tih graničnih prijelaza kako bi se u budućnosti izbjegle slične primjedbe. Konačno, članovi Odbora, jednoglasno su prihvatili Izvještaj Granične policije u kojem je žalba ocijenjena kao neosnovana.

### **Ad.3. Tekuća pitanja**

Borislav Radić, drugi zamjenik predsjednika Odbora, upoznao je članove Odbora sa sadržajem Radionice o iskustvima Velike Britanije u pogledu rada Nezavisne komisije za žalbe građana na rad policijskih službenika, u organizaciji IPA projekta, Komponente VIII, a koja je bila održana 19. i 20.06.2013. godine. Učešće na Radionici uzeli su predstavnici Odbora za žalbe građana, Nezavisnog odbora Parlamentarne skupštine BiH, Granične policije BiH, Direkcije za koordinaciju policijskih tijela i Državne agencije za istrage i zaštitu.

Mate Miletić je, pod ovom tačkom Dnevnog reda, predložio da se naredna sjednica održi 25.07.2013. godine te, obzirom da će 53. sjednica najvjerojatnije biti posljednja u mandatu 2009. – 2013. godina, na sjednicu je potrebno pozvati i direktore, zamjenike direktora te predstavnike odjela za unutrašnju kontrolu Granične policije BiH, Državne agencije za istrage i zaštitu, te Direkcije za koordinaciju policijskih tijela. Članovi Odbora jednoglasno su prihvatili navedeni prijedlog.

*Sjednica Odbora za žalbe građana završena je u 12:30 sati.*

Sekretar  
Odbora za žalbe građana  
Aida Kreho

Predsjednik  
Odbora za žalbe građana  
Mate Miletić